

海隅聞聲

張坦

旅台唱和集(詩鐘選粹)(七十一)

(甲)臺鐵詩社於本年三月卅一日舉行九週年紀念吟集，茲將是日所選取之鐘句而唱出較多者，隨手記錄於後，以饗閱者。

詩鐘眼字：「有成」第二唱：

- ①化成雨露蠲租詔，挾有風霜論政書。(姚天覺)
- ②不有金滕焉止謗，已成鐵案枉翻供。()
- ③已成殘夢猶堪戀，縱有雄心豈易酬。(葉沅辰)
- ④難成元應持恒赴，烏有寬容作實看。(郭建寅)
- ⑤偶成佳句頗斟酒，稍有餘錢便買書。()
- ⑥九成並奏虞廷樂，萬有同沾禹甸春。(林仲堅)
- ⑦久成荒寺猶存塔，遠有高樓只見燈。(陳秋葵)
- ⑧吐出驚絲忙作繭，營成燕壘苦砌泥。(張兆蓉)
- ⑨已成夢事會開府，猶有名心枉買山。(葉沅辰)
- ⑩不有健蹄偏遠走，纔成短羽欲高飛。(尤光亮)
- ⑪爲有此身憂後日，竟有何世看中原。(吳彥)
- ⑫敢有後言君父遇，殆成絕望子孫愚。(林仲堅)

- ⑬琢成寶珥享良玉，藏有詩書勝萬金。(張兆蓉)
- ⑭萬有包羅猶莫盡，小成展布竟非凡。(葉沅辰)
- ⑮一成滅迹興邦再，九有歸湯革命初。(陳榮樓)
- ⑯案成文字君多暴，案有詩書子必賢。(陳秋葵)
- ⑰堆成玉淚風前燭，蘊有珠光雨後花。()
- ⑱老成詩有芝蘭味，大有歌糜菽粟香。()
- ⑲擅有言泉堪使國，釀成禍水竟傾城。()
- ⑳已成陳迹前朝事，猶有蠻風異俗人。(張兆蓉)
- ㉑事有是非明辨幾，理成曲直故爭何。()
- ㉒終成大器何嫌晚，不有奇才漫好高。(陳元冲)
- ㉓寓有勸懲仁者政，生成淳樸古人風。()
- ㉔詩有千篇推子美，文成百代重昌黎。()
- ㉕倍有清光潭內月，更成奇態澗邊松。(郭建寅)
- ㉖分成壁壘兵蹄啓，據有城池寇儲深。(張兆蓉)
- ㉗舊有書多經亂散，偶成詩未得閒留。()
- ㉘書有衍文難曉義，曲成絕學乏知音。(林仲堅)
- ㉙事有後圖始養晦，詩成別派竟收名。()
- ㉚世有奇書會讀破，天成佳句偶拈來。()

- ⑳譽成毀敗論人淺，孰有知無悟道深。()
- ㉑培有英才扶正氣，制成峻法戕貪風。()
- ㉒易成汜濫黃淮水，怕有滂沱春夏霖。()

(乙)臺北勵進詩社以眼字「清明」第一唱(鳳頂格)徵詩鐘，於本年五月五日在物資局禮堂發唱，計正取及指取共十二門，全省各地詩人均踴躍應徵，總計投卷竟逾三千之數，誠可稱一時之盛事！此次鐘局，其中佳句頗多，聞該社現正趕印專集，以供愛好斯道者之欣賞，本人當時亦投十卷，惜皆未工，茲姑抄錄於後，藉留紀念云爾

- (一)清室祥鍾東北地，明廷祚斬甲申年。
- (二)清照麗詞驚絕代，明妃幽怨在和番。
- (三)清院鐘聲花外盡，明湖帆影雨中看。
- (四)清水徐流魚可拾，明霞遠落鷺齊飛。
- (五)清泉雨後吟松壑，明月秋來爽柳堤。
- (六)清夜幽篁堪獨坐，明春曲水好聯吟。
- (七)清風布滿窮簷下，明月延來靜室中。
- (八)清磬依稀聲繞寺，明燈掩映影隨舟。
- (九)清寺曉鐘驚宿鳥，明湖晚棹看遊魚。
- (十)清風嶺上丹楓冷，明聖湖邊古柳多。

石門封水 曾潤琛

中國五十二年五月十五日
石門水庫封閉導水隧洞，水庫開始蓄水

九似爲山土石填，瀾河築壩蓄甘泉。
一衣帶水穿盆底，半壁峯巒入眼前。
洞口初封逢陣雨，潭心小立識桑田。
寸銖累積成高大，留待他年惠陌阡。

墨爾鉢受洗夜宴

華燈炫服酒肴殘，受洗筵開夜已闌，斗轉星橫追玉兔，月移花影照銀盤，鸞還猶識三春暮，裘重難經四鼓寒，紺髮高情催遠念，南天十字背人看。